



Gamot Sa Mga Pusong Sugatan

Kapag nag-aalinlangan...

“Huwag magulumihanan ang inyong puso: magsisampalataya kayo sa Dios, magsisampalataya naman kayo sa akin. Sa bahay ng aking Ama ay maraming tahanan; kung di gayon, ay sinabi ko sana sa inyo; sapagka’t ako’y paroroon upang ipaghanda ko kayo ng dakong kalalagyan. At kung ako’y pumaroon at kayo’y maipaghanda ng kalalagyan, ay muling paririto ako, at kayo’y tatanggapin ko sa aking sarili; upang kung saan ako naroroon, kayo naman ay dumoon. At kung saan ako paroroon, ay nalalaman ninyo ang daan” (Juan 14:1).

Kapag iniwan ka ng mga kaibigan mo...

“Ang nagpaparami ng mga kaibigan ay sa kaniyang sariling kapahamakan: nguni’t may kaibigan na mahigit kay sa isang kapatid” (Kawikaan 18:24).

Kapag ikaw ay balisa...

“Kaya nga sinasabi ko sa inyo, Huwag kayong mangabalisa sa inyong pamumuhay, kung ano бага ang inyong kakanin, o kung ano ang inyong iinum; kahit ang sa inyong katawan, kung ano ang inyong daramtin. Hindi бага mahigit ang buhay kay sa pagkain, at ang katawan kay sa pananamit? Masdan ninyo ang mga ibon sa langit, na hindi sila nangaghahasik, ni nagsisigapas, ni nangagtitipon man sa mga bangan; at sila’y pinakakain ng inyong Ama sa kalangitan. Hindi бага lalong higit ang halaga ninyo kay sa kanila?” (Mateo6:25-26).

Kapag ikaw ay nasa panganib...

“Walang kasamaang mangyayari sa iyo, ni anomang salot ay lalapit sa iyong tolda. Sapagka’t siya’y magbibilin sa kaniyang mga anghel tungkol sa iyo, upang ingatan ka sa lahat ng iyong mga lakad” (Awit 91:10-11).

Kapag magulo ang isip mo ...

“Ang matuwid ay nagsidaing, at dininig ng Panginoon, at iniligtas sila sa lahat nilang mga kabagabagan. Ang Panginoon ay malapit sa kanila na may bagbag na puso, at inililigtas ang mga may pagsisising diwa” (Awit 34:17-18).

Kapag tila malayo ang Dios sa iyo...

“Ako’y magpapasalamat sa iyo; sapagka’t nilalang ako na kakilakilabot at kagilagilalas: kagilagilalas ang iyong mga gawa; at nalalamang mabuti ng aking kaluluwa. Ang katawan ko’y hindi nakubli sa iyo, nang ako’y gawin sa lihim, at yariing mainam sa mga pinakamababang bahagi ng lupa. Nakita ng iyong mga mata ang aking mga sangkap na di sakdal, at sa iyong aklat ay pawang nangasulat, kahit na ang mga araw na itinakda sa akin, nang wala pang anoman sa kanila” (Awit 139: 14-16).

Kapag ikaw ay lupaypay...

“Hindi mo baga naalaman? Hindi mo baga narinig? Ang walang hanggang Dios, ang Panginoon, ang Maylalang ng mga wakas ng lupa, hindi nanlalata, o napapagod man; walang makatarok ng kaniyang unawa. Siya’y nagbibigay ng lakas sa mahina; at ang walang kapangyarihan ay pinananagana niya sa kalakasan. Pati ng mga kabinataan ay manlalata at mapapagod, at ang mga binata ay lubos na mangabubuwal: nguni’t silang nangaghihintay sa Panginoon ay mangagbabagong lakas; sila’y paiilanglang na may mga pakpak na parang mga aguila; sila’y magsisitakbo, at hindi mangapapagod; sila’y magsisilakad at hindi manganghihina” (Isaias 40:28-31).

Kapag ikaw ay nag-iisa...

“Mangilag kayo sa pagibig sa salapi; mangagkasiya kayo sa inyong tinatangkilik: sapagka’t siya rin ang nagsabi, Sa anomang paraan ay hindi kita papagkukulangin sa anomang paraan ni hindi kita pababayaan” (Hebreo 13:5).

Kapag ikaw ay natatakot...

“Ang Panginoon ay aking liwanag, at aking kaligtasan: kanino ako matatakot? Ang Panginoon, ay katibayan ng aking buhay; kanino ako masisindak?” (Awit 27:1)

Kapag dama mo na ikaw ay lugmok...

“Kahit ang kataasan, kahit ang kababaan, kahit ang alin mang ibang nilalang, ay hindi makapaghihiwalay sa atin sa pagibig ng Dios, na nasa kay Cristo Jesus na Panginoon natin” (Romans 8:39).

Kapag nais mo ng lakas ng loob...

“Magpalakas ka lamang at magpakatayang na mabuti, na isagawa mo ang ayon sa buong kautusan na iniutos sa iyo ni Moises na aking lingkod: huwag kang liliko sa kanan o sa kaliwa, upang ikaw ay magtamo ng mabuting kawakasan saan ka man pumaroon” (Joshua 1:7).

Kapag tila mas malaki ang mundo kaysa Dios...

“Pagka binubulay ko ang iyong mga langit, ang gawa ng iyong mga daliri, ang buwan at ang mga bituin na iyong inayos; Ano ang tao upang iyong alalahanin siya? At ang anak ng tao, upang iyong dalawin siya?” (Awit 8:3-4).

Kapag ikaw ay may kapaitan sa puso...

“Ang pagibig ay mapagpahinuhod, at magandangloob; ang pagibig ay hindi nananaghili; ang pagibig ay yayamot, hindi inaalumana ang masama; Hindi nagagalak sa kalikuan, kundi nakikigalak sa katotohanan. Hindi nagmamapuri, hindi mapagpalalo. Hindi naguugaling mahalay, hindi hinahanap ang kaniyang sarili, hindi nayayamot, hindi inaalumana ang masama; Hindi nagagalak sa kalikuan, kundi nakikigalak sa katotohanan” (I Corinto 13:4-6).

Ang Dakilang Paanyaya sa iyo...

“Ang Espiritu at ang kasintahang babae ay nagsasabi, Halika. At ang nakikinig ay magsabi, Halika. At ang nauuhaw, ay pumarito: ang may ibig ay kumuhang walang bayad ng tubig ng buhay” (Apocalipsis 22:17).

Humakbang tungo sa kaligtasan...

“At sinabi sa kanila ni Pedro, Mangagsisi kayo, at mangagbautismo ang bawa’t isa sa inyo sa pangalan ni Jesucristo sa ikapagpapatawad ng inyong mga kasalanan; at tatanggapin ninyo ang kaloob ng Espiritu Santo” (Gawa 2:38).